



COETIROEDD  
GWELL  
I GYMRU



BETTER  
WOODLANDS  
FOR WALES

Grantiau a chymorth  
i greu a gwella coetiroedd

Grants and support for creating  
and improving woodlands

## CYTUNDEB FFRAMWAITH – Atodlen 3

# Y Drefn Anghydfodau

## Diben, Diffiniadau a Gwerthoedd

Mae'r ddogfen hon yn amlinellu'r trefniadau i ymdrin ag anghydfodau yng nghynllun Coetiroedd Gwell i Gymru (CGiG). Mae'r Drefn Anghydfodau yn cynnwys pob sefyllfa lle mae dau neu fwy o bartion yn anghytuno neu'n dadlau am unrhyw elfen o gynllun CGiG. Er mwyn i'r Drefn Anghydfodau fod yn effeithiol, mae'n bwysig ei bod yn:

- Deg
- Eglur
- Hwylus

## Y Drefn Anghydfodau

Mae Comisiwn Coedwigaeth Cymru yn gyfrifol am redeg y Drefn Anghydfodau a sicrhau ei fod yn bodloni'r gwerthoedd a restrir uchod. Mae chwe cham:

**Dilysu:** Ym mhob achos pan gaiff anghydfod ei gyfeirio at Gomisiwn Coedwigaeth Cymru, bydd y Rheolwr Gweithrediadau yn penderfynu a yw o fewn cwmpas Trefn Anghydfodau CGiG ai peidio. Bydd hyn yn cynnwys pennu'r ffeithiau trwy siarad â'r partion. Defnyddir Trefn Anghydfodau CGiG i ddatrys anghydfodau'n unig sy'n ymwneud â:

- Dehongli dogfennau swyddogol CGiG a gynhyrchwyd gan Gomisiwn Coedwigaeth Cymru.
- Taliadau, materion yn ymwneud â chontractau neu gyflwyno'r gwasanaethau rhwng Comisiwn Coedwigaeth Cymru a pharti arall.

Nid oes a wnelo Comisiwn Coedwigaeth Cymru â'r Drefn ac ni fydd yn defnyddio'r Drefn i ddatrys anghydfodau rhwng:

- Unrhyw bartion eraill (nid Comisiwn Coedwigaeth Cymru) sy'n ymwneud â thaliadau, materion yn ymwneud â chontractau neu gyflwyno'r gwasanaethau.

Mae gan anghydfodau eraill eu trefnau eu hunain sydd eisoes yn bodoli i ymdrin ag anghydfodau eraill ac felly ni fyddant yn ddilys i'w hystyried o dan Drefn Anghydfodau CGiG. Sefyllfaedd sydd eisoes ganddynt drefn ddiffiniedig, yw:

- Ceisiadau am Drwydded Cwmpo Coed
- Achosion Gorfodi Trwydded Cwmpo Coed
- Achosion Anghyfreithlon o Gwmpo Coed
- Aseidiadau o'r Effaith Amgylcheddol
- Achosion Grant Adennill

**Penderfynu:** Pan benderfynir bod yr anghydfod yn ddilys i'w ystyried o dan y drefn, bydd Comisiwn Coedwigaeth Cymru yn penderfynu pa gamau i'w cymryd. Ym mhob achos ac eithrio achos lle mae'r anghydfod yn ymwneud ag ymddygiad y Rheolwr Gweithrediadau'n uniongyrchol, y Rheolwr Gweithrediadau fydd yn penderfynu pa gamau i'w cymryd. Lle a wnelo'r anghydfod ag ymddygiad y Rheolwr Gweithrediadau, Pennaeth Grantiau a Thrwyddedau yng Nghymru fydd yn ymdrin â'r achos. Wrth benderfynu'r camau bydd y Rheolwr Gweithrediadau yn nodi ac yn adolygu anghydfodau blaenrol yn ymwneud â'r parti neu'r partiön, yn cyfeirio at unrhyw gontractau sydd ar waith, ac yn ystyried achosion blaenrol tebyg.

**Camau i'w Cymryd:** Bydd y Rheolwr Gweithrediadau yn cymryd y camau angenrheidiol i ddatrys yr anghydfod. Gallai hyn olygu cyflafareddu neu ddyfarnu o blaid un parti. Yn ogystal, bydd y Rheolwr Gweithrediadau'n sicrhau bod Comisiwn Coedwigaeth Cymru yn cymryd camau er mwyn lleihau'r risg o anghydfod tebyg yn digwydd yn y dyfodol. Gallai hyn olygu diweddarau arweiniad, cyhoeddi arweiniad neu ddyfarniadau a/neu nodi a chyflwyno hyfforddiant newydd.

**Cofnodi:** Cofnodir pob anghydfod yn erbyn yr achos (Cynllun Rheoli, Trwydded Cwmpo Coed ac ati).

**Adborth:** Ym mhob achos, bydd y partiön yn cael adborth oddi wrth y Rheolwr Gweithrediadau am y dyfarniad a pha gamau a gymerwyd.

**Monitro:** Bydd cofnodi anghydfodau yn system ar-lein Grantiau a Thrwyddedau yn golygu y cânt eu monitro. Gwneir gwaith monitro yn flynyddol a chanlyniad hyn fydd ceisio nodi tueddiadau a chyfeirio CGiG at wella'i phrosesau. Bydd yn gymorth i asesu effeithiolrwydd y camau a gymerwyd hefyd.